



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 69. stav (1) tačka b) i (2) tačka d) i člana 70. stav (1) i stav (4) Zakona o javnim nabavkama ("Službeni glasnik Bosne i Hercegovine" br. 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica, Uprava Javnog preduzeća „Grijanje“ d.o.o. Zenica donosi

O D L U K U
o poništenju postupka javne nabavke

I.

Poništava se postupak javne nabavke robe - Nepovratni ventili, po konkurentskom zahtjevu za dostavu ponuda, obavještenje o nabavci broj: 1091-7-1-146-3-33/26 od 25.08.2026. godine iz razloga što nijedna od dvije zaprimljene ponude nije prihvatljiva.

II.

Ova Odluka stupa na snagu danom donošenja i objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 25.08.2026.godine, Javno preduzeće „Grijanje“ d.o.o. Zenica objavilo je na portalu javnih nabavki, obavještenje o nabavci robe - Nepovratni ventili putem konkurentskog zahtjeva za dostavu ponuda obavještenje broj: 1091-7-1-146-3-33/26. Procjenjena vrijednost nabavke robe - Nepovratni ventili 20.000,00 KM, odnosno procjenjene vrijednosti predmetne nabavke 12.000,00 KM iz Zahtjeva za pokretanje postupka javne nabavke broj 8230/26-AG od 19.08.2026.godine.

Rok za predaju ponuda bio je 07.09.2026.godine do 10:30 sati. Dana 07.09.2026. godine u 11:00 sati, Komisija za nabavke u postupcima po konkurentskom zahtjevu za dostavu ponuda i za otvorene postupke nabavke je izvršila otvaranje blagovremeno dostavljenih ponuda, te konstatovala da su u roku za dostavljanje ponuda dostavljene 2 (dvije) ponude i to:

- „Termoelektro trade“ d.o.o. Brčko Distrikt BiH sa ponudnom cijenom u iznosu od 11.940,00 KM bez PDV-a;
- INELEX d.o.o. Sarajevo, Jovana Bijelića broj 7, 71000 Sarajevo sa ponudnom cijenom u iznosu od 11.997,00 KM bez PDV-a.

Pregledom i provjerom dostavljene dokumentacije ponuđača „Termoelektro trade“ d.o.o. Brčko Distrikt BiH Komisija za nabavke je utvrdila da ista nije u skladu sa zahtjevima iz tenderske dokumentacije, kako slijedi:

- Stavka 1 Obrasca za cijenu ponude – Ravni odbojni ventil sa oprugom od livenog čelika – ponuđač je ponudio ravni odbojni ventil DN250 PN25 kod kojeg je materijal za opruge čelik za opruge SM-ph, a tenderskom dokumentacijom je traženo ravni odbojni ventil DN250, PN40 kod kojeg je materijal za oprugu od nehrđajućeg čelika.
- Stavka 2 Obrasca za cijenu ponude – Čelična prirubnica sa grlom za zavarivanje – ponuđač je ponudio prirubnice DN250, PN25, a tenderskom dokumentacijom su tražene prirubnice DN250, PN40.
- Obrazac za ponudu – ponuđač je naveo da ponuda važi do 05.01.2026. godine.
- Nacrt Ugovora – ponuđač nije popunio tražene podatke u Nacrtu Ugovora, a što je bio dužan u skladu sa tačkom 6.1. tenderske dokumentacije.

Shodno navedenom, ponuda ponuđača „Termoelektro trade“ d.o.o. Brčko Distrikt BiH u skladu sa članom 2. Zakona o javnim nabavkama je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Pregledom i provjerom dostavljene dokumentacije ponuđača INELEX d.o.o. Sarajevo Komisija za nabavke je utvrdila da ista nije u skladu sa zahtjevima iz tenderske dokumentacije, kako slijedi:

- Obrazac za cijenu ponude – ponuđač nije popunio stavke 3 (Proizvođač) i 4 (Tip) u navedenom obrascu, a iste je bio dužan popuniti u skladu sa tačkom 6.4. tenderske dokumentacije.

Shodno navedenom, ponuda ponuđača u skladu sa članom 2. zakona o javnim nabavkama je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Imajući u vidu navedeno, Komisija za nabavke dala je preporuku ugovornom organu da u smislu člana 69. stav (1) tačka b) i stav (2) tačka d), te člana 70. stav (4) Zakona o javnim nabavkama da može donijeti Odluku o poništenju postupka za nabavku roba – Nepovratni ventili.

Shodno naprijed navedenom, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 5 (pet) dana od dana prijema iste.

Broj: 8874/26
Zenica, 09.09.2026. godine

DOSTAVITI:

2x Ponuđači (putem preporučene pošiljke)

1x Uprava preduzeća

1x Odjeljenje za kadrovske i opšte poslove



Direktor
[Redacted]
Muhammed Pašalić, Mr.dipl.ing.el.
[Redacted]
[Redacted]

